

Memorandum o primopredaji

između

Međunarodne komisije za nestale osobe (u daljem tekstu: "ICMP")

i

Instituta za nestale osobe Bosne i Hercegovine (u daljem tekstu "INO")

koji se tiče

Ekspertne grupe za ekshumacije i obradu posmrtnih ostataka nestalih osoba u Bosni i Hercegovini (u daljem tekstu: "Ekspertna grupa")

- i. Imajući na umu da je Ekspertnu grupu osnovao Ured visokog predstavnika za Bosnu i Hercegovinu u februaru 1996. godine, u cilju pružanja podrške i koordinacije procesa traženja, ekshumacije i identifikacije nestalih osoba u Bosni i Hercegovini;
- ii. Napominjući da je uloga Ekspertne grupe bila da uspostavi zajedničke profesionalne standarde u procesu ekshumacije, te da pomogne i koordinira process traženja nestalih osoba;
- iii. Imajući na umu da je ICMP u 2001. godini preuzeo predsjedavanje Ekspertnom grupom;
- iv. Uzimajući u obzir Član 4 Sporazuma o preuzimanju uloge suosnivača Instituta za nestale osobe Bosne i Hercegovine i odredbe Zakona o nestalim osobama Bosne i Hercegovine, koje predviđaju razvoj državnih kapaciteta u rješavanju pitanja nestalih osoba;

Svečano izjavljujemo:

1. Ekspertna grupa ovim prelazi iz ICMP-a u INO, koji preuzima predsjedavanje Ekspertnom grupom.
2. Ekspertna grupa će u svom sastavu i dalje imati predstavnike Državnog i entitetskih tužilaštava, Državne agencije za istrage i zaštitu (SIPA), Obavještajno sigurnosne/bezbjedonosne agencije BiH (OSA), entitetskih Ministarstava unutrašnjih poslova i ostalih nadležnih ministarstava, Centra za uklanjanje mina (BHMIC), kao i specijaliste sudske medicine. ICMP će nastaviti sa učešćem u radu Ekspertne grupe u svojstvu člana.
3. Ekspertna grupa će nastaviti rad na koordinaciji rada institucija aktivnih na rješavanju pitanja nestalih osoba u Bosni i Hercegovini. Ona će također raditi na uspostavi i unapređivanju zajedničkih kriterija, standarda i metodologija u procesu ekshumacije i obrade posmrtnih ostataka nestalih osoba u Bosni i Hercegovini.
4. Ekspertna grupa će i dalje predstavljati forum za dijalog između glavnih nosioca procesa rješavanja pitanja nestalih osoba. Ona će tražiti najbolja rješenja za ubrzanje procesa traženja, ekshumacije i identifikacije, kao i za pitanja praktične i etičke prirode koja se javljaju u procesu.

Sarajevo, 1. septembar 2009. godine

Za ICMP

Sarajevo, 1. septembar 2009. godine

Za MPI